



LIBRARY OF THE
MEDICAL DEPARTMENT
UNIVERSITY OF CHICAGO

QUÆSTIO MEDICA,
QUODLIBETARIIS DISPUTATIONIBUS
MANE' DISCUTIENDA
IN SCHOLIS MEDICORUM,

Die Jovis vigesimâ Decembris 1708.

M. ALEXANDRO LE FRANCOIS;
DOCTORE MEDICO,
PRÆSIDE.

Potestne stare visio absque crystallino?

I.



ISUS sensuum acerrimus & princeps ceteros vincit ob-
jectorum multitudine. Innumera simul perspicit rerum discrimina.
Ejus celeritas prodigio similis. Vix ad objecta convertitur oculus,
illorum imago depingitur in retinâ, statim ad cerebrum usque
impressio traducitur nervi optici operâ, cum per ejus fibrillarum
continuam agitationem, tum per spirituum, quibus turgent,
repercussum &, ut aiunt, undulantem motum. Ut visus reliquis sensibus præstat, ita
ejus organum excellentiorem structuram obtinuit. Non alia corporis pars tam
mirâ humorum, vasorum, & membranarum complexione adornatur. Oculorum fun-
ctioni imprimis inserviunt tres, quos vocant, humores: aquosus, crystallinus &
vitreus. Aquosus corneæ subjacet proximè; aquæ indolem refert, unde nomen.

CrySTALLINUS perperam dicitur humor; non enim diffluit; quam molliorem habet, facile dimittit arescendo; tunc ex multis lamellis constare animadvertitur; nulli parti videtur adherere, at tenuissimam investitur membranâ, cujus auxilio cæteris connectitur partibus, & in sede firmatur. Eum excipit corpus vitreum, quod primâ facie apparet vitri fusi spissitudinem æmulari. Nihil aliud est quàm membranarum fibrarumque pellucidarum contextus, in cujus cellulis humor aquoso similimus concluditur; id patet ubi exemptum est ex oculo corpus vitreum; brevi enim istum liquorem undecunque emittit, qui paulatim relictis membranis circumcirca colligitur. Eò tendit totus oculi apparatus, ut radii ab eodem objecti puncto emissi, per ea corpora liberè permeent, & sic frangantur, ut tandem concurrant in retinâ.

I I.

SPHÆRICA aut ad sphæricam proxime accedens figura, omnium est ad fractos radios colligendos aptissima. Corneam igitur eâ donatam esse suadet ratio, nec sensus refragatur. Non est eadem in omnibus corneæ convexitas. Æquat ut plurimum convexitatem sphæræ, cujus diameter est septem, vel octo vel novem linearum. Ad corneæ figuram sese accommodat humor aquosus. Hujus & aquæ communis eadem est densitas. Cum ergò pluribus experimentis compertum sit, radios obliquè in aquam incidentes sic refringi, ut sinus anguli inclinationis sit ad sinum anguli refractionis, ut 4. ad 3, idem contingere necesse est radiis, qui ex aere subeunt aquosum humorem. Hinc Optice demonstrat radios axi parallelos vi hujus refractionis coituros esse ad distantiam duplæ diametri convexitatis corneæ, hoc est ad sexdecim linearum intervallum, ubi corneæ est segmentum sphæræ, cujus diameter sit octo linearum. Paulò remotior erit concursus radiorum divergentium, qui prodeunt ab eodem puncto objecti non multum diffiti. Cum autem tanta non soleat esse distantia retinæ à corneâ; sive ab objecto remoto prodeant radii, (qui ideò sint ita parùm divergentes ut paralleli supponantur), sive paulò magis divergentes existant, retinæ prius occurrerent quàm unirentur, si unica esset refractionis. Idcirco adjectus est crystallinus utrinque convexus, humore aquoso densior. Dum ergò radii ex hoc in illum incurunt, iterum franguntur & ad sese mutuò accedunt. Tandem ubi offendunt corporis vitrei concavam superficiem, recedendo à perpendiculari refringuntur, unde sic ad se invicem inclinant ut in retinâ colligantur. Hinc ejus fibras impellunt validius. Impressio ad intimam usque cerebri substantiam transmittitur, dum liber est nervi optici com meatus. En totum visionis artificium. Si radii sat multi præcisè concurrant in singulis retinæ punctis, nihil oculo deest ad distinctam visionem; sin minùs, vel omninò nulla est, vel saltèm confusa visio,

I I I.

QUACUMQUE datâ corneæ convexitate, modò ad hujus diametrum duplam rationem haberet distantia retinæ à corneâ, solo humore aquoso fracti radii colligerentur in retinâ. Inutilis igitur foret crystallinus, nisi gravia indè exurgerent incommoda. Ubi multum convexa esset corneæ, non adeò accuratè

3
 exprimeretur obsectorum imago; vel enim pupilla pateret amplitudine consueta, sicque ejus diameter multò pluribus gradibus convexior corneae responderet, & ideo qui radii ad plures, quam expedit, gradus ab axe corneam penetrarent, retina illaberetur, visionemque turbarent: cum aliis enim radiis minùs remotis in eodem puncto non uniuntur; vel pupillae foramen esset solito angustius: tuncque pauciores radii attingerent retinam, unde mollior impulsus, & visio debilior. Ubi cornea parùm convexa esset, longior distantia retinae æquo majorem oculi globum, amplioremque orbitam postularet. His occurrit incommodis adjectus crystallinus: servatà idonea oculi mole, minor est corneae convexitas. Quamobrem cum hujus diameter in plerisque hominibus sit circiter octo linearum, distantia retinae à cornea longè minor est quam sexdecim. Si deesset crystallinus, ejus vicem impleret vitrum aptè convexum, & ita dispositum, ut radii corneam ingrederentur satis convergentes. Illi rursus per aquosum humorem fracti ad se invicem magis accederent, & in puncto sui concursus à retina exciperentur, adjuvantibus obliquis musculis, qui eam à cornea plùs minùsve pro datà occasione remonent. Necesse non esset ut corporis vitrei pars locum crystallini occuparet, ejusque figuram imitaretur; cum enim aquosi humoris & corporis vitrei aqua sit densitas, nulla contingeret refraçtio, dum lumen ab illo in hoc ingrederetur. Utrumvis igitur in crystallini locum succederet, quamque indueret figuram, perindè esset.

I V.

RATIONI suffragatur experientia. Depresso enim ad tollendam suffusionem crystallino, non tamen aboletur visio, sed omnia apparent magis aut minùs confusa. Huic malo medetur specillum convexum, cujus ope objecta certuntur distinctè. Non nunc primùm in crystallini vitio suffusionem positam esse creditum est. Ea fuit priscorum Medicorum sententia. Incertum autem quà ætate explosa fuerit. Ut ut sit, Galenus suffusionis causam inter crystallinum & uveam haud dubius constituit, eamque deducit ex humoris concretionem. Hanc quasi membranam crystallino prætersâ luminis transitum censuit intercludi. Tanti viri Galeni autoritas, ut deinceps Medici omnes ipsius adhæserint opinioni. Perstirixit error ad nostram usque ætatem, quâ viri periti re diligentius expensâ antiquam redintegrevère sententiam. Eos secuti nonnulli ulterius progressi sunt, & multiplici tandem observatione palàm fecerunt in suffusione viciatum esse omninò crystallinum. Omnem dubitationem tollit quod animadversum est in quâdam muliere, cui sublatâ suffusione utriusque oculi, visus restitutus fuit, qualis post operationem esse solet. Ipsâ fato functâ, ejusque oculis dissectis, uterque crystallinus è suâ sede dimotus apparuit, infraque pupillam cum uveâ conglutinator. Non contrà suadet quod postea deprehensum est in alio oculo, cujus uvea adhærescebat pellicula pupillam obtegens. Ipsiusmet erat crystallini membrana. Hæc verò affectio incipientis suffusionis species reputanda est, in quâ crystallinus majorem in molem crescit, dein obscuratur, visumque adimit. Dum præ magnitudine sic pellit uveam, ut pupillam dilatat, cum eâ sæpè coalescit: ideo detrahi ex oculo non potest, quin membranam suâ spoliatur, vel simul abducatur uvea. Nec scrupulum moveat quòd tunc avulsus crystallinus visus sit integer; vix enim solo aspectu dijudicare licet, an membranam contactus sit, an exutus.

PARTES organi non sunt omnes ejusdem necessitatis ; aliæ sic conducunt ad actionem , ut sine iis nullatenus edatur ; aliæ eam utilitatem habent , ut melius perficiatur. Hujus generis est crystallinus. Is non mediocriter confert ut in retinâ præcisè concurrant radii. Attamen absque ejus auxilio possent utcumque colligi. Imò si naturæ errore convexitas corneæ in aliquo sit major quàm par est , ita ut ejus diameter sit ex. gr. quinque linearum , distantia verò retinæ à corneâ sit decem , visioni nocet crystallinus. Radii enim qui semel humore aquoso fracti , in retinâ uniri deberent , intervntu crystallini iterùm atque iterùm fracti colliguntur priusquàm retinam attingant , sicque oculum myopiæ vitio laborare necesse est. Tunc igitur sublato crystallino juvaretur visio. Cùm oculus est ritè conformatus , ter fracti successivè radii ita ad se invicem accedunt , ut in retinâ uniantur ; si deesset crystallinus , non satis infringerentur radii , & ultrâ retinam coirent , nisi occurreret vitrum convexum. His astipulatur observatio ; nam depresso in suffusione crystallino ad distinctam visionem plerique ægri vitrum maximè convexum adhibent , illudque ita collocant , ut ab eodem objecti puncto radii profecti oculum ingrediantur convergentes. Quod si ita facerent ii , quibus inest crystallinus , & oculi partes ex naturæ lege constitutæ sunt , omnia ipsis prorsus confusa apparerent. Oportet enim ut in horum oculos radii illabantur divergentes. Verùm myopibus aliquandò profuit suffusio , iis nempe quibus erat cornea justo convexior. Cùm enim antea perspicillis concavis opus haberent , demisso per operationem crystallino objecta nudis oculis sat distinctè conspexerunt.

Ergò potest stare visio absque crystallino.

Domini Doctores disputaturi.

- | | | |
|---|--|---|
| M. Alexander le François , Praes. | M. Alexis Littere , Regie Scientiarum Academiæ socius. | M. Petrus Marais. |
| M. Alexander-Petrus Mattot. | M. Petrus-Joannes Burette , à Regiâ Numismatum Academiâ. | M. Franciscus Vernage. |
| M. Claudius Bburdelin , Serenissima Burgundiæ Ducissæ Medicus perpetuo ordinarius, & Regiæ Scientiarum Academiæ socius. | M. Ludovicus de Vaux. | M. Joannes-Baptista Dodart , Serenissimorum Burgundiæ & Biturici Principum Medicus Primarius. |

Proponebat Parisiis JOANNES-NICOLAUS DE LAHIRE,
Parisiinus , Baccalaureus Medicus. A. R. S. H. 1708.

Typis Viduæ Francisci Muguet , Regis & Facult. Medecinæ Typographi.